

In surrir

In surrir cuosta nuot ed effectuescha dabia,
El enrihescha il retschevider, senza donnegiar il regalader.

Ei cuozza mo in pign mument,
resta denton savens per adina en memoria.

Negin ei aschi beinstonts, da viver senza el,
Negin ei memia paupers, da buca meritar el.

El procura per harmonia enteifer la famiglia,
el mantegn relaziuns.

El ei l'enzenna dall'amicezia.
In surrir dat al spussau recuvrada,
Dat al contristau curascha.

Ins sa ni cumprar, ni empristar ni engular el.
Sia valor gudogna pèr el mument, cu el vegn regalaus.

Sche Vus entupeis enzatgi che sa buca pli surrir,
Seigies Vus schi generus e regalei ad el Vies surrir.


Negin basegna in surrir pli fetg che quel
che sa buca schenghegiar el.

tenor: Raoul Follereau




Cars parochians

**"Il matg porta in
matg da fluras".**



Igl ei forsa buca mo ina casualidad,
ch'il num "matg" vegn prius per il meins da matg e per il
matg da fluras.

Suenter igl avrel "che fa tgei ch'el vul", suonda il meins da
matg che nus colligiein cun divers aspects:
Il tschunavel meins digl onn munta per biars oravontut il
meins dalla carezia. La secunda dumengia da matg vegn
festivau il di dallas mummas. Era quei sauda en quei
meins, buca mo per dar in matg fluras, mobein era
d'engraziar per tut il bien, per tut la carezia che las
mummas regalan allas famiglias ed alla cuminonza.

Il meins da matg che muossa la scaffiziun en fluriziun, ei
era dedicaus a Maria, la mumma dil Segner. Maria ei per
tuts carstgauns sco la primavera spirtala tras
la naschietscha da Jesus, nies Salvader.
 Per quei sesanflan sin bia maletgs da
Nossadunna fluras, oravontut la gelgia, in
simbol da schubradad, bellezza e bun'odur.

Jeu giavischel a tuts in sulegliv meins dallas fluras e tut
quei che sauda vitier.

Vies plevon sur Peter

Themenabend

Beim Themenabend am 18. Mai in der Sentupada Laax um
20.15h, beschäftigen wir uns mit der Kirche, die mehr ist als
ein mehr oder weniger reich ausgeschmücktes und
auffälliges Gebäude. Herzliche Einladung an alle
Interessierte.

Informaziuns per Laax

Communiun dils malsauns:

Mesjamna, ils 12-05-2010 suentermiezdi

Cordiala gratulaziun a nossas mummas e dunnas

per dumengia ils 9 da matg ed in plascheivel di da fiasta.

Cordiala gratulaziun a nos giubilar

Ils 17 da matg 2010 festivescha *Hanspeter Zündt* siu 80-avel natalezi.

Ils 29 da matg 2010 astga *Florentin Hendry-Coray* festivar siu 85-avel anniversari.

Nus gratulein cordialmein als giubilar e giavischein la benedicziun da Diu, buna sanadad ed in legreivel di da fiasta.

Gratulaziun per nozzas

Ils 17 da matg 2010 festiveschan *Sabina e Manuel Caduff-Camathias* lur nozzas a Ladir. Nus gratulein als nozzadurs e giavischein cleg e ventira ella veta matrimoniala.

Radunonza extraordinaria dalla Pleiv

La radunonza extraordinaria dalla Pleiv ha liug venderdis, ils 28 da matg 2010 allas 20.00h ella Sentupada. Nus envidein leutier tuts cordialmein.

Fiasta dall'emprema penetienza

Numerus cristians han in schliet sentiment, cu els audan il plaid « prender penetienza ». Per possibilitar ina megliera relaziun tier quei sacrament organiseschan adina dapli pleivs ina *via dalla reconciliaziun*. Ils affons vegnan accumpignai atras diversas ponderaziun da cunscienza e quella via finescha cun in discuors persunal cun il plevon. Quei agir ha purtau a nus ils davos onns experientschas positivas. Ils affons retscheivan sin quella via ina buna relaziun da sereconciliar.

Informaziuns per Falera

Communiun dils malsauns:

Gievgia, ils 06-05-2010 suentermiezdi

Gievgia, ils 20-05-2010 suentermiezdi

Cordiala gratulaziun a nossas mummas e dunnas

per dumengia ils 9 da matg ed in ventireivel di da fiasta.

Devoziun dallas mummas e lur affons en baselgia

« Primavera, la natira leva », cun quei tema ein tuttas mummas e lur affons envidadas alla devoziun da mardis, ils 11 da matg 2010 allas 16.00h.

Fiasta dil s. Batten

Dumengia, ils 2 da matg 2010 allas 11.30h retscheivan *Alina e Laura*, las feglias da Oliver e Laura Darms il sogn sacrament dil Batten.

Dumengia, ils 30 da matg 2010 allas 11.30h a s. Rumetg, retscheiva *Timo Elia*, fegl da Olivier e Nevin Arpagaus il sogn sacrament dil Batten.

Nus giavischein al niev commember ed allas novas commembras dalla baselgia la benedicziun da Diu ed il sustegn dalla cuminonza cartenta.

Cordiala gratulaziun alla giubilara

Margaretha Casutt-Caduff che astga festivar ils 5 da matg 2010 il 90-avel natalezi. Nus giavischein alla giubilara la benedicziun dil *Tutpussent*, buna sanadad, in legreivel di da fiasta ed ina emperneivla sera sontga.

Radunonza generala dalla Pleiv

Cordial invit alla radunonza generala dalla Pleiv che ha liug venderdis, ils 21 da matg 2010 allas 20.15h ella Fermata.

FEGL PAROCHIAL
Pfarrblatt
LAAX – FALERA

Matg / Mai 2010



Uffeci parochial / Kath. Pfarramt

Via principala 68, 7031 Laax, Plevon: Sur Peter Aregger,
Tel. 081 921 41 12, E-mail: aregger.peter@bluewin.ch
Secretaria dallas pleivs: Natalia Gliott Tel. 079 283 45 80
E-mail: kath.kirche.laax@bluewin.ch
Adressa d'internet: www.pleiv-laax-falera.ch

Reformiertes Pfarramt Sagogn-Laax-Falera

Pfarrer Thorsten Minuth, Encarden 24, 7152 Sagogn.
Tel. 081 921 68 55, e-mail: minuth@kns.ch